



Cerastus

De beanorum affectibus

v
Fig

L
A

O

O

•



2502

38

vgl
Tlg 929 QK

63.

THEMATA MEDICA
DE
BEANORUM,
ARCHIBEANORUM,
BEANULORUM ET CORNUTO-
RUM QVORUMCUNQVE AF-
FECTIBUS ET CURA-
TIONE.

Ad quæ Præsidente

Admodum Præcellenti & Exquiritō

CORNELIO CERASTO CORNANO,
Medico & Chæirurgo Regio
Beanorum,

RESPONDEBIT

CARIOLLINUS TEVETIO CRUFENAS.



CORNANÆ,

Typis WOLPHGANGI Blas ins Horn.

Tlg 929^a

QK





DE POSITORIBUS ET BEANORUM CHIRURGICIS.

Cum hoc symptoma priscis seculis ferme ignotum jam indies magis divulgetur, pluribus etiam adhuc Medicis ignotum male curetur, ita ut ægre sæpè succumbant, aut peiores recidivas patiantur: Operæ precium duximus, ob publicam utilitatem, ea quæ in praxi jam aliquot annæ observavimus, hoc loco proponere, ut tam fœde lucis accuratior pateat natura & curatio.

1. A nomine ideoque rem auspicabimur. Vocantur hi patientes Latinis, ut Ciceroni & Quintiliano Beani, Beanuli, & Archibeani, & à primario symptomate, Cornuti, licet distincturi simus in progressu sermonis. Germanis Bachanten / Pennal / Lanip / Behörntel / Wildet quod vix cicurari possit, geschossene gEseln Græcis ἀστυ, licet hoc nimis sit generale. Hebrais כַּרְנוּתִי. Nos autem Grammaticis vocabula linquentes, ad pugnam tam sævi hostis properamus.

3. Beanisimus hic definiri potest, quod sit symptoma actionis depravatæ facultatis principis à parentum semine & mala educatione, vel utriusque ortum ducens, & cornibus extra cranium exeuntibus se prodens.

4. Et licet multiplex sit hoc symptoma & variè dividi possit: optima tamen divisio est, in ARCHIBEANOS, BEANOS, & BEANULOS.

5. Archibeani sunt in quibus malum planè inveteratum, & cornua habent plurima, maxima, fœdi coloris, emedullata, tetrum odorem exhalantia, inæqualia, ramosa, dura aspera, quadrata nigricantia, liventia, longa, curva, & dicuntur POLYCORNES.

6. Beani mitiora quodammodo habent accidentia, cornua ut plurimum bina, eaque media inter utrosque liventia aut flaventia, aliquid habentia medullæ, & dicuntur BICORNES.

7. Beanuli cornu unicum saltem habent satis acutum in medio plerumque frontis, duorum aut trium cubitorum, idque melle, glabrum, rotundum simplex recta sursum tendens, subflavi coloris parum fœtens, copiosæ medullæ, &c. & hi appellantur MONOCEROTES.

8. De loco affecto in primis sollicitos nos esse oportet, nam frustra aliàs in curatione sudabimus, est autem in cerebrum potissimum, & quidem membrana ipsius dura mater, quæ inde nomen habet, ubi etiam plerumq; definit, licet ad radices oculorum quandoq; pertigisse referat Doctiss. D. Cajus Cornarius in sua praxi nondum edita fol. 203. 5126. Qui quoque suspicatur corneæ tunicæ inde nomen migrasse.

9. Causæ hujus affectus multiplices, Aër sylvestris & obscurus, qualis est in scholis particularibus, ut sunt Lavingana, Lyncensis, &c. Item Dölpelhusensis, Bubendorfensis, Stockfishhusensis, Peckelheringensis, aliquibus in locis Bavariæ, Sæviæ, & adhuc Misnæ, Grimæ, & Portæ. Item Halæ, Magdeburgæ, Brunsvigæ, Hildesæ, Amstelrodami, Stetini, Lubecæ, Bremæ, Padelbornæ, Sawfurti, Stierfurti, Hasfurti, Serevstæ, Breslaviæ, Ambergæ, Naumburgi, Dusseldorpii, Ultrajecti.

10. Apud varios varii cibi in causa sunt, & quidem ii qui crassum imò crassissimum generant succum, ut carnes animalium cornutorum, asinorum, asellorum marinorum, panis item scholasticus, caseus putridus, præsertim der Hasenkäse den die alten Weiber verkauffen/ fabæ & legumina reliqua, unde perspectus Pythagoras suos discipulos arcebat à fabis, cerevisia crassa, &c.

11. Motus etiam hic recensendus. Nam videmus eos qui vagantes, cantantes, cursitantes, vociferantes, balantes, bacchantes, clamitantes, vorantes, potantes, ingurgitantes, mendicantes, hiantes, boantes, in curta tunica saltantes, nullum angulum intactum relinquunt, hoc malo potissimum detineri, urgeri, torqveri. Sic è contra, qui in claustris, carceribus, cellis, ergastulis, angulis, cameris scholasticis tanquam pisistrinis, mille repagulis, compedibus, vincti, catenati, ferrati, ligati servati, ob inopiam aëris purioris in hunc affectum prolabantur, aut prolapsi confirmantur.

12. Somnus & hoc loco aliquid potest. Qui enim ex iis glireo agunt, magis divexantur, ut noctu hiantes, ronchantes, sternutantes, furzantes, cacantes, schnarchantes, &c. Hiantibus præsertim magis periculi subest, noctu enim animalcula, ut cimices, pulices, culices, tineæ, vespertiliones os intrantes, irreptantes permerdantes, & mentem perturbantes, divexantes, subtilè serum exiccantes, & mala
alia

alia excitantes, misellos hosce asellos misello exeruciant & dilaniant.
Idem quoque de vigilia esto iudicium.

13. Excreta & retenta suum quoque in hoc affectu locum habent.
Dum enim pulverem scholasticum absorbent, deglutiunt, imbibunt,
attrahunt, retinent, coqvunt, assimulant, apponunt, magnum cor-
nibus fulcrum addunt, ita etiam bono quoque alimento excluso & ex-
creto foeces sibi reservant, & sui infortunii authores existunt. Ex pa-
thematis sunt iræ beanina, timor für den wilden Großvätern und für
den Schlüsseln / ut & virgis & alapis des grossen Schulfuchses, qui Ar-
chibeanorum omnium est pater, avus, abavus, atavus, proavus,
uhr / über uhr groß Altväter und Rabbi, Khimmel, Pavor, mœstitia,
horror, rigor perturbatio mentis, frustrati amores, quis sequitur De-
speratio asinina.

14. Proxima causa est lac maternum, mala educatio, unde cras-
si exhalantes fumi mentis sedem occupant, quos dum frustra natura
expellere conatur, tandem in duram & corneam substantiam conver-
tens eam, extra cerebrum foras protrudit.

15. Signa. Primo prodit se intuitu Beanus, cornua enim gerit
fatis manifesta & conspicua extra pileum protuberantia, pulsus ipsi
magnus, vehemens, celer, durus, plenus, frequens, inæqualis inæqua-
liter, bis vel sæpius feriens ferratus, caprizans omnium frequentissi-
mus apparet. Urina crassa, turbida, cruenta, foeculenta instar ju-
mentorum cornutorum, plurima, foerida & graveolens, rubra imò
etiam nigricans, vel viridis, spumans, in qua volitant ranæ, cantha-
rides, lacertæ vespertiliones, subsident spectra, capripedes, capræ
saltantes, dracovolans, grandines, &c. Inveniuntur etiam ramenta
cornuum, capita leporina, flatus retenti fursum tendentes, nolæ quæ
pugni magnitudinem ferme æqvant, & id genus alia tonitrua: torvis
tuetur oculis, juxta illud: torva tuentibus hircis, Frons ipsi Simiæ aut
Asini, capilli recti, rigidi, crassi, wie ein Pfennigstrick / impexi, qui
findi possunt in 4. 5. 6. 7. & plures partes, caput quadrangulare, ni-
gricans, exustum, calidissimum, durissimum, distortum, acutum, os
hiulcum, instar proboscidis elephantis, dentes aprini, exerti, prom-
nentes, prælongi, crassi, oculi cyclopici, aures leporinæ, surdæ, ^{um}
picis instar niveum, barba aut nulla aut schustralis, inculta, si valens,
horrentibus aspera dumis, nares curvæ, aquilinæ fum^{us} wie die
Schaaff.

Schaaffnasen / spirantes avernum, exhalantes Mephytim : facies planè Æsopica, Theritica, Marcolphica : corpus deniq; totum.

Monstrum horrendum, informe, ingens, cui lumen ademptum.

16. Signa alia moralia maximè hic notari debent, incessus cicconialis secundum tabulaturam Belgicam, hinc inde nutans & ISTÆ & ISTÆ DOMUS MEÆ sunt innuens, gradus grallatorius, interdum testudineus vel formicinus, interdum velocissimus. Pallium etiam habent ægri ab Uno latere dependens, quando domo exeunt pallium non statim applicant, sed postquam jam aliquot stadia vel jugera fuerunt emensi, de brachio, in quo instar virginis puerum recens natum baptismo deportantis, antè gestarunt, deponunt, & scapulas suas latus, ventrem sesquipedem exstantem, abdomen insaturabile, turgidum, inexplebile tegunt. Palliis se quandoq; involvunt, seu subcingunt in primis cum ex Galliis veniunt, vel in nudinis Francofurtensibus Gallum vident. Ligulas circa collum pendentes aeri exponunt. Oculos habent Uranoscopi, manus gesticulationes histrionicas exercentes wie andere Sabelhausen und cornuti Bettern, vociferationibus, coaxationibus, mugitu, rugitu, grunnitu, gannitu, boatu, balatulatione, ceu rustici temulenti implent omnia, templa, plateas, aedes, hospitia, cubicula, popinas, latrinas, fama, fora, quatuor mundi Elementa, imò cælum, infernum & purgatorium, Limbum Sanctorum Patrum, summo quasi Jovi & Plutoni insultantes. Canum etiam instar ipso meridie quemvis murum permingunt, præclari Diogenis Cynici imitatores, O MORES! O RES!

17. Nimis adhuc parum diximus, ipsorum modestia planè est immodesta, gregatim volant ut grues, catervatim discurrunt ut sues: mores ipsorum in mensa horrores, aliorum, canini, volæ utraq; illota (nam certis anni temporibus pro sua devotione & superstitione religione lavant manus) pro cochleari utuntur: os cibo & bolis infarctum & gravatum calamitatibus distendunt, quasi essent in balneo, muscas carnibus, caseis, panibus & patinis insidentes, veluti Justitiæ cultores singulari dexteritate ipsis solummodo propria, Cyclopicè, miserabiliter, horribiliter, immaniter, crudeliter, truculenter, fraudulenter, inhumaniter jugulant, decollant, excruciant, exenterant, exollant, trucidant, dissecant, discindunt, diffidunt, diffringunt. Utraq; cito tanquam firmis fulcris, aut Herculeis (plus ultra) columnis

columnis innutuntur, perforant orbis, quadras, cochlearia, boreana
naribus spirant, diductis hinc inde labiis resonando vorantes sive Ba-
varicos & Bohemicos imitantur; Et ad summam, deglutiendo tan-
tam molem absument, ut si nova comparemus antiquis, ipsum Milo-
nem Crotoniatem oportet manere domi.

18. Doctrina pollent tam excellenti & multiloqua, ut in mini-
mo ne cedant antiquis veteres Philosophos licet nunquam viderint
tam exactè tenent, ut quamvis tyrones cum emeritis tamen pugnare
audent. Idem de reliquis esto iudicium. Tot compendia, tot metho-
dos, tot deniq; inveniunt nova, inaudita, inusitata, mirabundria, ut
antiquitatem obscurare videantur, Sed interim tamen perpetuas lites
agunt cum Prisciano & Ælio, pro: DEUM:

*Non mihi si lingvæ centum sint, oraq; centum, Ferrea vox, omne
Bacchantum scribere formas sufficerem.*

19. Amant quoniam etiam, quod mirum: an amentur, dubitamus sa-
tis, Interim tamen acquirunt aut quærent potius amorem variis mo-
dis, inter quos:

Cithara scibustalis est omni tempore talis:

Qualis Bacchantum, magna cum voce balantum.

Insuper canunt ad numeros & saltant per plateas, tantummodo
cum Beans conservantur, similis enim gaudet simili, secundum ver-
sum:

Cornua fer tecum, si vis colludere mecum.

20. Ne cornua omnibus appareant, pileum, tametsi honestum
virum prætereant, non detrahunt, si ab aliis detrahatur, ille modicè
extrema tangentes cornibus suis parcunt & gravitatis Beanicæ speci-
mina edunt. Imò magis fugiunt honoratum virum quam Diabolus,
quod ajunt, crucem, & aquam lustralem, aut annosam vetulam.

21. Cum diutius hæserimus in signis, prognostica breviora fa-
ciemus. Sciendum itaq; Archibeanos esse incurabiles. De Beans
rem esse lubricam; Beanulos autem bene curari posse. Incipiunt au-
tem cornua foras exire circa tempus pubertatis, & post vigesimum pri-
mum vix eradicari possunt.

22. Et ne quis ridiculum existimet symptoma hoc incurabile es-
se, afferemus aliquot historias, quæ extant apud supra citatum orna-
tiss.

eiff. doctiff. & fide dignum Cajum Cornarium Centuria curationum
28. lib. 99. fol. 2163895120.

23. Primus patrum nostrorum memoria vixit Lobedæ ibidem
scholæ minister, laborans hoc affectu, qui à Medicis omnibus pro de-
sperato relictis miserè obiit, cujus hoc extat Epitaphium:

Heus tu qui præteris, gradum
Siste, considera fatum
Nefandum, miserabile,
Durum, inexorabile.
Johannes guck ins Nuß genant.
Qvi natus est im Hörnerlandt

Hic dum vellet deponere
Cornua, præ magno onere,
Propter ingentes mœrores,
Et maximos dolores,
Mortuus est, jacet in pace,
Jam abi domum mox, & Tace.

B. ANNOS. XL. M. II. D. V. VIII.

○ ANNO. M. DC. LI. VI. JULII.

24. Extat & aliud Lavingæ cujusdam, qui post mille dolores mi-
serè obiit ad putrescentia cornua & vermium in cavitate ipsorum,
multitudinem enatorum, hoc modo:

Hier liegt begraben Käß und Brodt
Den hat ermordt der bitter Todt/
Diweil er glitten grosse Noth/
An seinen Hörnern ohne Spott/
Sie seynd gewesen ganz blutroth/
Und haben gestuncken wie ein Roth/
Dazzu gwogen wohl tausent Loth/
Dem wol gnaden der liebe Gott.

25. Hoc nuper cuidam positum est:

BEANE.

QVI. PRÆTERIS.

LEGE.

ET FRATRIS FATUM.

DOLE.

ARCHIBEANIS. S.

NATHA

Natura quæ protruserat
Solers, & mihi dederat
Cornua, non voluit
Deponere, sed renuit
Opem juvantis Medici,
O miser & me perdidit,
Post putrefactis cornibus
Et intus natis vermibus
Summo dolore perii.
Cave Lector, cave tibi
Nunc mortuus hic jaceo
Exemplum, quamvis taceo
Rogo, velis deponere,
Ut releveris onere.

26. Meminimus quoque nos legisse hoc Epitaphium Kerastri Achibeani, Herbornæ in cæmeterio Cornutorum:

Sinon fuisset arrogans
Et Cornuum perpes amans,
Non essem esca vermibus
Et mortuus cum cornibus.
Quare quicumque, præteris
Si ictum hominem sequeris,
Ne cornu rogo teneas
Et sicut ego pereas.

27. Hoc præterita septimana mihi missum ab amico, positum est cuidam verè mortuo in gymnasio Stetinensi, Brennensi.

Hic conditur Tremellius
Cum grossiculo nasculo,
Superbus decem cornibus
Quadrato conditorio.
Nam qui quadratis cornibus,
Quadrata fronte & pedibus,
Quadrata lingua & auribus,
Et qui quadrato ore,

B

Et

*Et qui quadrata voce,
Quadratis adest vermibus,
Abi homo vidisti mirabundria,
Si te manes quadrati audiant
Quadratis cornibus te projiciant.*

28. Ut igitur his omisissis ad curam nos convertamus, tres hosti phalanges objiciemus, Diætam, Pharmaciam & Cheirurgiam.

29. Aer eligendus purus, subtilis, lucidus, à Beanorum sylvis, collegiis, latibulis, antris, casis, tuguriis valdè remotus. In primis laudatur ille qui est Ingolstadii, Helmstadii, Jenæ, Lipsiæ, Marpurgi, Heidelbergæ, Francofurti, Coloniae, Wittebergæ & similibus in locis. Huic aëri, modò consultum sibi velint, aliquot annis affvescant, necessum est.

30. Cibus sit tenuis, concoctu facilis, in primis medicamentous, ut inferiùs in Pharmacia dicetur: poterunt etiam singulis diebus ter propinari ursæ, item canes villosi, morosi, rabiosi, ut molossus, Hylax, lycisca, artocreati ex farina fuliginosa subacto inclusa. Oder den Eulenspiegel in einem gählen Brülle. Potus parcus, vinum aqvosum, laurum, coventum, rastrum, Zucker/Suckguck/Püffel/Klappit/Glatsch. *Notetur hic versiculus Lipsi.*

Ein Topff scerpentum, Zwen rastrum, Spanq; coventum.

Aqua in qua caudæ murinæ, aures leporinæ, podex atq; ungues asini sunt decocta. Vino primo anno curæ omnino abstineant: sub finem primi & ineunte secundo confortationis loco in prandio parum concedatur. Tertio mediocriter admittatur. Nam non convenit ipsis antequam corpus à cruditatibus scholasticis sit benè purificatum, beanos enim.

Vina parant asinos, faciuntq; hos fustibus aptos.

31. Summus, vigilia, motus & quies mediocria omnia.

32. In excretis & retentis maximè studeant Retentioni, taceant scilicet, audiant studiosos, silentium Pythagoricum observent; nec quicquam nisi bene moverint, effutiant & excernant.

33. Pathemata animi fugiant supra dicta. Conceduntur ipsis, humilitas, humanitas, observantia erga Studiosos, discendi studium, & diligentia. Obtrectationes & objurgationes aliorum modestè audiant, & secundum has vitia sua paulatim emendent.

34. Tria

34. Tria proposita nobis habemus, subtractionem humoris morbifici, ablationem cornuum & deniq; confortationem cerebri. Quod ut melius assequamur, crassos primùm attenuabimus & præparabimus humores, ut syr. de axungia rotæ, syr. de specillis, syr. de sagittis, syr. de falce messoria, syr. de novacula, qui omnes in nostris officinis præparati habentur. Imprimis autem convenit syrupus de multiplici infusione fustium, simplex vel qui melior est compositus, qui aromatizetur claviculis ferreis q. f. exhibeantur cum decocto febrularum, brusci, paliuri. Herbae post coctionem, vel quod melius, recentes cepiti arctissimè applicentur & alligentur, habent enim singularem vim in digerenda materia crassa & emolliendis cornibus. Doses syruporum pro Medici judicio ad ægri tolerantiam augere minui ne possunt.

35. Purgabimur optimè materia præparata pilulis de baccis ovinis, asininis, globi eqvinis, suillis, quadris vaccinis, de dumis; fustibus, nastris, vomete, bibente, tridente. Pilulae quæ ore saltem retentæ vehementer & mirè purgant ex præseginibus unguularum eqvinarum, corii, steriore celumbino, anferino, felino, canino, &c. Veteramenta & corrigia calceamenti trochiscata. Commendatur præ reliquis pil. de ligno buxi, pinastris, ilicis, abietis, tormentur ad magnitudinem juglandis, deglutiantur singulis manè numero XXXV. plus minusvè. Si æger aversetur, conchyliis involvat, aut visco obdutat, asperso pulvere nostro cordiali, de quo alibi diximus.

36. Generalibus præmissis speciales succedunt evacuationes, quæ fiant Errhinis, sternutatoriis, nasaliis, Apophlegmatismis, masticatoriis, ex sicibus eqvinis, radice liripipii, radicibus a b c d, cranio eqvino, aut asinino, caudis murinis, glirinis, bovinis, vaccinis, leporinis, ovinis, felinis, cervinis, caprinis, cancrinis, mustelinis, leoninis, camelinis, elephantinis, talpinis, agninis, aprinis, arietinis, caballinis, hircinis, hædinis, lupinis, vulpinis, porcinis, taurinis, vervecinis, ursinis, vitullinis. Imò & rostris avinis, accipitrinis, aquilinis, anatinis, anserinis, columbinis, corvinis, cuculinis, ficedulinis, graculinis, gruinis, gryphinis, merulinis, milvinis, palumbinis, pardalinis, passorinis, sturninis, vulturinis.

37. Nec parùm laudantur gargarismata ex decoctione albi græci, medullæ intestini recti animalium ruminantium, ut vaccarum,

B 2

bovum

boum, &c. Decoquantur ad tertias, dulcorentur felle lucii piscis, murænæ canis marini, hippotami indici.

38. His ita peractis in revulsionibus magna spes posita est, quæ sunt compedibus, verberibus, virgis, alapis, pene bovis exsiccato & subula bene longa condito, Mit enim Ochsenfûsel/ flagellis, sustitiè, laqueis nauticis, clavis Herculeanis, rastris, venabulis & similibus ingeniis, quæ prudenti Medico committimus.

39. Cornuæ jam antequam eradicantur emolliendæ erunt, quantum fieri potest, medicamentis emolliionibus, quorum quædam supra recensuimus, præsertim commendatur penis bovinus supra dicto modo præparatus, & ante cibum, vel etiam sæpius applicatus summa vi & industria, vicem quoque ejus supplere possunt mallei majores fabrorum, ligna decem pedes longa, quatuor crassa, cingula ferro aromatizata, libræ tres quatuorve plumbi fila crasso adpensæ & applicatæ, &c. Poterit etiam caput incudi submitti aut prælo includi ad horas 3. aut 6. Pileolum seu cucupham si adhiberi opus sit, fiat ex 90. aut 100. libris plumbi, intus obducatur pelle hestricis aut erinacei, applicetur singulis manè per horas 3. aut 4. ager abstineat à somno, laboribus, & domi maneat nec sedens, nec jacens, sed stans potiùs, vel cubito innitens.

40. Et jam tempus acerrimum aggredi hostem. Ægro manibus post terga revinctis ut & pedibus, caput inter binas antennas tam arctè collocetur, ne id movere possit, cui genibus nitenti debita ratione Cheirurgus ferræ primò majores ramos, dein dolabra & lima si opus sit, reliquias auferat.

41. Si verò possit, quod melius erit, ablata pelle & nudato cranio, forcipe radices funditùs extrahat, vel aqua forti absumat, ne quid reliquum maneat, quod vicissim expullulare possit.

42. His peractis ferramento candente, si malum inveteratum sit radices perurat, ne recrescant, salem sapientiæ ori imponat, habet enim hic mirabilem virtutem & prohibet, ne radices putrescentes, cerebro noceant, putrefactas quin etiam fortiter expellit, & naturam pristina restituit integritati: cui adjungi quoque debet vinum capiti infusum, quod eadem facit.

43. Hoc loco annotandum est, quibusdam etiam maximum dentem, beaninum dictum, molestum esse, qui easdem habet causas & naturam ut cornua, quem simili modo dexter curabit Cheirurgus.

44. Post

44. Post ablationem in lecto collocetur agor, urtica Romana
strato in quo jejunus quiescat per 46. dies, & singulis diebus quater
lectus mutetur, pelle asinina diligenter tegatur, capite leporinis ex-
viis insuto, sudor ipsi provocetur loris, hasta regia, &c. Alumeti vi-
ce ad collare nolis refertum maxillæ asini, equi, cameli, Rhinocerotis,
oder ein par Easterstein appendantur. Hæc enim singulari antipathia
hoc symptoma longè propellant.

45. Cum verò rarò, imò nunquam planè auferri possit, præser-
vativis opus erit ne revertatur affectus. Miris modis prodest theriaca
Beanorum, quam descripsimus in nostra practica majori, quæ singula-
riter pugnat cum affectione, quam hortamur ut omnes pharmacopœi
in suis officinis ob maximam necessitatem paratam habeant. Prode-
rit quoque album Græcum trochiscatum, confectiones ferularum & ro-
boris quercini, condita cotis & filicis, morselli ex aloe, colocynthide,
diagridio, asa fetida in tabulis, &c.

46. Conclusionis loco Empiricum hoc adjiciemus, quod cele-
berrimus rabbi Moses Chaldæus & Cabbalista in Asia, Africa, Europæ
& America in multis hominum millibus probavit, quod medicamen-
tum facit ut nunquam recrescant cornua, quod gratis communicamus
misellis hisce asellis, est autem tale:

℞ Saburræ ℔ x ij.

Mercurii sublimati ℔ x.

Squamæ aeris

Fuliginis Camini ana ℔ viij.

Balsami Beanorum ℔ vj.

Scarabæorum

Locustarum

Cantharidum

Cimicum ana ℔ iij.

Vitri Veneti pulv. ℔ ij.

Fungorum ℔ j.

Diagridii ℥ rj. & G. ℥.

Opii

Cicutæ ana ℔ j.

Gypsi

Auripigmenti ana G. j ℥.

Comminutis comminuenodis.

℞ Foeturæ Ranarum

Axungia rotæ

| Visci ana q. s.

| Misc. F. Electuarium

Signetur Bachanten Larweg.

Dosis. cochl. xxvij.

Singulis manè ventriculo jejunò

decem horis ante pastum sumatur.

B 3

COROL



COROLLARIA.

I.

AN hic affectus etiam cadit in sexum foemininum? A. licet rarius eveniat, teste Hipp. Aph. 26. sect. 1. Cal. 15. Metth. c. 3. Talicotio lib. 6. quæst. Cheirurg. quæst. 17. Ratio in promptu est, quia cum hic sexus sit habitus mollioris, & calorem habeat mitiorem, materia non potest in tantum indurescere, nec calorem per durissimum Cranii os expellere: facilius igitur via onus hoc ad mammas ablegat, & reliquias menses expellit. De qua re latius in praxi nostra egimus, quò lectorem ablegamus.

II. An in hoc malo sit vena tundenda? N Ob summam cacochymiam. Si tamen adsit plethora, in phlebotomiæ locum succedent, hirudinum more, Basilisci, viperæ, scorpii, colubri, hydri, lacertæ, dracoises, bufones, cæcilia, salamandræ, & similia applicata. Fiant autem hæc si existente in sphaera octave ad præsepe asselli cum ♀ aut ♂.

III. An cornua resecta usum habeant. A. Primò in Medicina. Præparata enim ad modum Cranii humani, pulverisata & Beanis paroxysmi tempore ad ℥. j. ꝑ. administrata, sudores egregiè promovent. In Archibeanis ubi res est desperata, singulis manè sumpta curæ palliativæ vicem gerunt; Beanulis condimenti instar præscribuntur. Si quoq; mater tempore gestationis & lactationis frequenter hisce cornibus utatur, foetum ab hisce planè immunem enitetur: ut enim scorpius suæ plagæ est remedium, ita etiam singulari antipathia cum affectibus Cornutis pugnare

372.

pugnare hæc creduntur, teste Alberto Magno in secretis. Deinde habent alium quoque usum, fiunt ex hisce, dentium, aurium, & lingvarum scalpella, manubria, cultraria, amuleta, pocula, annuli, arcus, siphones, globuli, lagenæ, inductoria, Tintenfässer / Pinal / Sandbüxen / &c. Omnia Beanorum utilitati accommodissima, quæ judicio industrii artificis relinquenda ducimus.

IV. An definitio hæc sit perfecta, Beanus est Animal Nesciens vitam Studiosorum? Aff.

V. In quo prædicamento reperiatur Beanus? R. in omnibus, quia est super omnia & transcendens.

VI. Cornua Beani & alius cornuti Animalis an differant specie? N. Coll. Conimb. c. 6. quæst. 7. art. 9. §. Beanus.

VII. Possuntne etiam homines dici? Respondetur posse, sed improprie & late sumpta significatione, eodem modo quo mantaci, phrenetici & stulti homines dicuntur, in quibus tamen ratio, quæ homo à bruto differt, plane occulta imò sepulta delitescit.

VIII. Utrum debeant admitti ad conversationes studiosorum, & hic utiliter quæritur? Resp. distinguendo. Qui enim curabiles sunt, & jam sub Chirurghi fuere manu cur non admittantur? Imò cum magna ipsorum fiet hoc utilitate, Incurabiles autem ablegentur ultra Garamantas & Indos, aut ad Ætnæos fratres, quibus inferendis carbonibus usui esse possunt. Nihil etiam in his tentandum auxilii, ne præsidia diffamentur, quæ multis fuere saluti.

TANDEM. VOS. QUI. FELICI. MANU.
HUMANO. CONSULITIS. GENERI.
ET. PRÆCLARA. METAMORPHOSI. EXUR-
SO. APRO. TIGRIDE. LEONE. ASINO.
IMO. QVAVIS. FERA.

HOMI-

HOMINEM. EFFORMATIS.
IMPENSE. ROGAMUS.

UT. CANICULARES. HOSCE. SALES,
BENIGNE. ACCIPIATIS.

BEANUM. TE. AUTEM. HORTAMUR.
QVI. HÆC. LEGIS.

UT. E. JOCIS. SERIA. ADDISCENS.
MENDAS. EMENDES. VITÆ.

ET BEANINIS DEPOSITIS EXUVIIS
STUDIOSO INDIUARIS.

SIC TIBI DEMUM NOSTRA HÆC
VERE PLACEBUNT.

SIN MAVIS.

TUO PERICULO BEANUS SENE-
SCAS LICET.

ET AD GRÆCORUM Π. ACTÆON,
ABEAS. Zum Sauerbrunnen.

V A L E.



Handwritten signature or mark

Handwritten mark

ULB Halle

3

004 763 297



Πg 929^a QK



Centimetres

KODAK Color Control Patches

© The Tiffen Company, 2000

Kodak

LICENSED PRODUCT

3/Color Black

Blue

Cyan



Green

Yellow

Red

Magenta

White



Vol
Fig 929

B
A
B

CO

CAP



III

